

Buccinemus in hac die

(XIV w.)

t.: Bartłomiej z Jasła (~1360-1407)

m.: ? Łukasz z Wielkiego Kozmina (XIVw.), opr. J. Węcowski

III



1. Bucci ne mus in hac di - e sa - cra so - no me - lo - di - ae.

2



(3 x)

Re - co - li - tur qua vi - ci - na na - ti - vi - tas Chri - sti tri - na:

2. A Pa - tre qua pro - gre - di - tur et in al - vo, ut di - ci - tur,

na - tus de hinc ex u - te - ro, quaetes - tan - tur Scri - pto ve - ro.

3

Repetitio sequitur



3. Re - fert ha - rum pri - mam re - cens mis - sae no - ctis can - tus de - cens

4



quo fit latens de - si - gna - ta I - sa - i - ae no - ta de - vo - ta in - e - narra - bi - lis fa - ta.

1.
Buccinemus in hac die
Sacra sono melodie,
Recolitur qua vicina
Nativitas Christi trina:

2.
A Patre qua progreditur
Et in alvo, ut dicitur,
Natus dehinc ex utero
Que testantur scripto vero.

3. *Repeticio.*
Refert harum primam recens
Misse noctis cantus decens,
Quo fit latens designata
Isaye nota devota
Inenarrabilis fata.

4.
Tonans cantus in aurora,
Noctis ac in lucis hora
Celat Christum alvo natum,
Partim nobis scire datum.

5.
Hic est modus obumbratus,
Quo Deus est humanatus,
Lux est caro fabricata,
Forme ut est copulata.

6. *Repeticio.*
Oppacum hoc preferebat,
Indignum cum se dicebat
Christi solvere calceum
Baptista, sed lucem cum ducem
Sensit alvo matris Deum.

7.
Locuntur sed officia
Clara die sonacia
Ex utero procedentem
Celum terramque regentem,

8.
Omnibus qui demonstratur
Stella lucens, ut testatur,
Et angeli concinentes,
Terris pacem nunciantes.

9. *Repeticio.*
Monet vox rationales,
Trahit astrum sensuales,
Singuli ut querant natum
Gressu cordis, oris, operis
Mundo regem prophetatum.

10.
Est preter has nativitas
Christi cordi, qua puritas
Ipsum gignit in patrate
Voluntatem Patris ante,

11.
Ut describit hoc Matheus.
Sic gignere prestat Deus
Multis suum verum natum
Ex Maria incarnatum.

12. *Repeticio.*
Summe parens, nobis presta,
Nec tu, pya mater, obsta,
Sed potius nunc imprime
Salvatorem nasci ac pasci
Iam in vi nostre anime.

12.
Dum vult Christum quis gignere,
Sibi debet assumere
Obstetricium suffragium
In partu adminus trium.

13.
Ex amari cordis unda
Contricionis profunda
Parens dici mereatur
Maria dum impregnatur.

14. *Repeticio.*
In habitu castitatis
Sic in ortu deitatis
Obstetricis prime cura,
Puerum ut vehat, teneat
Puro conformata pura.

15.
Ast paupertatis spiritu
Sit altera in vestitu
Que infantem involueret
Pannis, feda qui tolleret,

16.
Sociata hiis humilis
Esse debet ac non vilis,
Natumque ut reclinaret,
In persepique locaret.

17. *Repeticio.*
Sic angelus has signavit,
Pastoribus cum monstravit
Ihesum natum indicio:
Videbitis merum puerum
In pannis ac presepio.

18.
Et ut per has proscribatur
Quod per carnem affectatur,
Et quod male vult visio
Vel adamat ambicio.

19.
Languencium restaurator,
Ihesu, nostri reformatore,
Nos parere non despice,
Tu nunc dignos sed effice.

20. *Repeticio.*
Nam in carne non sufficit
Ad salutem, si defficit
Nativitas per gratiam
Tua, nostre menti egenti
Origenis per sophiam.

Repeticio secunda.
Elementa quater nomen
Penta legunt et prenomen
Editoris per capita
Versuum, quem nota et dota
Ihesu in eterna vita.